

5 ons Chasa Editura Rumantscha (CER)

Anita Capaul e Karin Kohler-Pattis

La Chasa Editura Rumantscha (CER) exista daspö il 2010. Ella edischa publicaziuns rumantschas in tuot ils idioms ed in rumantsch grischun, per uffants e creschüts; e vain sustgnüda da la Confederaziun, dal chantun Grischun e da la Lia Rumantscha.

La chasa editura pel rumantsch

Daspö 5 ons saja la CER cullas localitats da büro a Cuaira ed il logo chi tira adimaint tant ad ün cudesch avert sco eir al custab "R" per rumantsch. Daspö ün on ha la CER duos collavuraturas: Anita Capaul e Karin Kohler-Pattis. Duonna Kohler es responsabla per las ediziuns d'uffants e giuvnils ed ha üna gronda experienza in quista sparta, duonna Capaul survaglia las ediziuns per creschüts ed ha la respunsabilità dal tet finanziel da la chasa editura.

La CER spordscha servezzans d'ediziun professiunals per nossas auturas e noss autuors,

dimena bunas cundiziuns da produenziun, vendita e promozion. Fin uossa ha la CER edi 27 cudeschs, da tuot gener, in tuot ils idioms e rumantsch grischun, bilings, per creschüts e per uffants e giuvnils, cudeschs auditiv ed e-books.

Decider che texts chi vegnan publichats decidan duos cumischians: il cussagl d'ediziun da tschinch persunas per la sparta da litteratura per creschüts (Renzo Caduff, Roman Caviezel, Annetta Ganzoni, Rita Uffer e Bettina Vital) ed üna seguonda gruppa da trais persunas per decider davart las publicaziuns per uffants e giuvnils (Olivia Pfister, Annalisa Schaniel e Barbara Strebel).

La spüerta da la CER as disferenzescha pro mincha proget da publicaziun. I dà autuors chi inoltreschan la versiun da text elavurada fingià fich bain, per part fingià lectorada. Lura saja autuors chi s'annunzchan cun ün'idea per üna publicaziun ed

i vain elavurà insembel ün concept da l'ouvra, defini ils pass da lavur, ils termins e las persunas d'accumpognamaint. La CER survaglia ils pass da produenziun e fa la comunicaziun dal nouv cudesch sur ils mezs da massa, organisescha üna vernissascha da cudesch e plüssas prelecziuns in differents lös e pisserescha pella vendita.

La CER chüra il contact cun scripturas e scriptuors rumantschs ed ha üna buna rait da contacts cun edituors externs chi s'ha sviluppada tras differents traducziuns dad ouvras da la CER in otras linguas.

Il bsögn d'üna chasa editura s'ha confermà tras ils texts inoltrats, sco eir tras las numerusas dumondas per cussagl pro cudeschs chi nu vegnan edits da la CER. Auturas ed autuors, uniuns ed oters organs chi lessan edir üna publicaziun vegnan regularmaing cun dumondas pro la CER, uschè cha quella ha eir üna sort funcziun da post da cussagliaziun per ediziuns – e s'allegra da mincha nouv contact cun persunas chi scrivan, lessan scriver o han ün text o ün'idea per üna publicaziun.

